



Broj predmeta: 37-001265/13
Broj akta: 07-1626SO-036/26
Datum, 2. 3. 2026.. godine
Mjesto, Brčko

Na osnovu člana 22. Zakona o Vladi Brčko distrikta Bosne i Hercegovine – prečišćeni tekst (“Službeni glasnik Brčko distrikta BiH”, broj: 27/23 - prečišćeni tekst, 23/24 i 38/25), člana 201. Zakona o upravnom postupku Brčko distrikta Bosne i Hercegovine („Službeni glasnik Brčko distrikta BiH broj: 48/11 – prečišćen tekst, 21/18 i 23/19), a u skladu sa članom 14. stav (1) tačka e) i p), članom 35a. stav (4) Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/24 – prečišćen tekst i 4/26), Pravilnikom o akreditaciji visokoškolskih ustanova i studijskih programa u Brčko distriktu Bosne i Hercegovine („Službeni glasnik Brčko distrikta BiH“, broj: 50/18, 34/19, 27/23 i 10/25), u vezi sa Preporukama za regulisanje postupka akreditacije visokoškolskih ustanova i studijskih programa 1. i 2. ciklusa studija u Bosni i Hercegovini („Službeni glasnik BiH“, broj: 34/23 i 34/25), a postupajući po zahtjevu visokoškolske ustanove Evropski univerzitet u Brčko distriktu Bosne i Hercegovine, broj: 38-1/26 od 3.2.2026. godine, šef Odjeljenja za obrazovanje Vlade Brčko distrikta Bosne i Hercegovine d o n o s i

DOPUNSKO RJEŠENJE
O PRODUŽENJU ROKA VAŽENJA INSTITUCIONALNE AKREDITACIJE
VISOKOŠKOLSKE USTANOVE EVROPSKI UNIVERZITET U BRČKO DISTRIKTU
BOSNE I HERCEGOVINE

1. U Rješenju o institucionalnoj akreditaciji visokoškolske ustanove Evropskog univerziteta u Brčko distriktu Bosne i Hercegovine broj predmeta: 37-001265/13, broj akta: 08-1246ZB-035/22 od 2.2.2022. godine, dodaju se nove tačke **V., VI., VII. i VIII.** koje glase:

V.

Produžava se rok važenja institucionalne akreditacije visokoškolskoj ustanovi Evropski univerzitet u Brčko distriktu Bosne i Hercegovine dodijeljen Rješenjem o institucionalnoj akreditaciji visokoškolske ustanove Evropskog univerziteta u Brčko distriktu Bosne i Hercegovine broj predmeta: 37-001265/13, broj akta: 08-1246ZB-035/22 od 2.2.2022. godine, jer postupak institucionalne reakreditacije započet zahtjevom visokoškolske ustanove Evropskog univerziteta u Brčko distriktu Bosne i Hercegovine broj: 170-1/2025 od 2.1.2025. godine, dopune zahtjeva brojevi: 170-1/2025 od 5.8.2025. godine, 170-1/2025 od 13.8.2025. godine i 170-1/2025 od 27.8.2025. godine, svi zaprimljeni u internoj dostavnoj knjizi pod brojevima: 07/661, 07/666, 07/669, 07/672 od 29.8.2025. godine kod Odjeljenja za obrazovanje iz objektivnih razloga neće biti okončan do dana 7.3.2026. godine, odnosno do isteka roka važenja institucionalne akreditacije.

VI.

Utvrđuje se novi rok važenja institucionalne akreditacije visokoškolskoj ustanovi Evropski univerzitet u Brčko distriktu Bosne i Hercegovine, a koji ne može biti duži od 18 (osamnaest) mjeseci od isteka prethodne akreditacije, odnosno od dana isteka pravosnažnog rješenja o institucionalnoj akreditaciji predmetne visokoškolske ustanove broj predmeta: 37-001265/13, broj akta: 08-1246ZB-035/22 od 2.2.2022. godine.

VII.

Rok institucionalne akreditacije predmetne visokoškolske ustanove se produžava do 6.9.2027. godine.

VIII.

Ukoliko se postupak institucionalne akreditacije predmetne visokoškolske ustanove završi prije isteka roka iz tačke VII. dispozitiva rješenja, Odjeljenje za obrazovanje će donijeti Rješenje o institucionalnoj akreditaciji u skladu s važećim propisima.

2. Ovo rješenje stupa na snagu danom donošenja.

O b r a z l o ž e n j e

Visokoškolska ustanova Evropski univerzitet u Brčko distriktu Bosne i Hercegovine podnijela je Odjeljenju za obrazovanje Vlade Brčko distrikta Bosne i Hercegovine zahtjev za institucionalnu reakreditaciju i akreditaciju studijskih programa broj: 170-1/2025 od 2.1.2025. godine, dopune zahtjeva brojevi: 170-1/2025 od 5.8.2025. godine, 170-1/2025 od 13.8.2025. godine i 170-1/2025 od 27.8.2025. godine, svi zaprimljeni u internoj dostavnoj knjizi pod brojevima: 07/661, 07/666, 07/669, 07/672 od 29.8.2025. godine.

Nakon zaprimljenog zahtjeva za akreditaciju, Odjeljenje za obrazovanje je u skladu s odredbom člana 12. stav (3) Pravilnika o izmjenama i dopunama Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“ broj: 10/25), aktom broj: 37-000933/25 od 16.9.2025. godine podnijelo inicijativu za pokretanje inspekcijskog nadzora radi utvrđivanja usklađenosti rada sa zakonom i podzakonskim aktima visokoškolskih ustanova koje su podnijele zahtjeve za akreditaciju.

U skladu s navedenim aktom Odjeljenja za obrazovanje Kancelarija gradonačelnika Inspektorat, dostavila je Odjeljenju za obrazovanje akt broj: 37-001180/25 broj akta: 01.6-1424AD-001/25 od 6.11.2025. godine, u vidu Informacije, u kojoj se navodi da su nadzore vršile dvije inspekcije: i to Inspekcija rada i Prosvjetno pedagoška inspekcija. Kako se dalje navodi u aktu Inspektorata od 6.11.2025. godine, Prosvjetno pedagoška inspekcija - Inspektor za obrazovanje vršeći inspekcijski nadzor nad Evropskom univerzitetu u Brčko distriktu BiH je u inspekcijskom nadzoru u skladu s nalogom, i uvidom u dokumentaciju a na osnovu utvrđenog činjeničnog stanja taksativno navedenog u aktu Inspektorata od 6.11.2025. godine, Rješenjem broj predmeta: UP-I-37-000141/25 od 4.7.2025. godine naloženo da predmetna visokoškolska ustanova po navedenom Rješenju broj predmeta: UP-I-37-000141/25 od 4.7.2025. godine otkloni nepravilnosti u pogledu tačaka 1., 2., 3., 4 i 5 dispozitiva Rješenja, dalje navodeći da je određen rok za izvršenje rješenja po tačkama 1., 2. i 3. od tri (3) mjeseca, dok je dat i rok po tačkama 4. i 5. od petnaest (15) mjeseci.

U skladu s članom 13. stav (3) Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“ broj: 50/18, 34/19, 27/23 i 10/25) propisano je da: „Ukoliko se u postupku provjere legitimnosti, na osnovu podataka nadležnog Odjeljenja ili nadležnog inspekcijskog organa, utvrdi da je u toku upravni postupak čiji ishod može uticati na legitimnost ustanove za akreditaciju, postupak se privremeno prekida dok nadležni organ ne odluči po prethodnom pitanju, a stavom 4. istog člana navedenog Pravilnika propisano je da: „O

prekidu postupka Odjeljenje za obrazovanje donosi odgovarajući akt, protiv kojeg je dopuštena žalba“, a stavom 5 istog člana navedenog Pravilnika da: „Ukoliko se prethodno pitanje ne riješi u razumnom roku, a najduže šest mjeseci, Odjeljenje za obrazovanje može zahtijevati ažuriranje dostavljene dokumentacije visokoškolske ustanove i studijskih programa“.

Odjeljenje za obrazovanje je Zaključkom broj predmeta: 37-000799/25 broj akta: 07-1626SO-002/25 od 9.12.2025. godine privremeno prekinulo postupak u predmetu provođenja postupka akreditacije pokrenutom po zahtjevu za akreditaciju visokoškolske ustanove Evropskog univerziteta u Brčko distriktu Bosne i Hercegovine broj: 172-1/2025 od 18.8.2025. godine i dopune zahtjeva broj: 170-1/2025 od 27.8.2025. godine, zaprimljeni u internoj dostavnoj knjizi pod brojevima: 07/675 od 21.8.2025. godine i 07/690 od 29.8.2025. godine kod Odjeljenja za obrazovanje. Tačkom 2. dispozitiva navedenog Zaključka Odjeljenja za obrazovanje određeno je da prekid postupka traje dok Kancelarija gradonačelnika Inspektorat – Inspektor za obrazovanje, odnosno drugi nadležni organ ne riješi postupak oko utvrđenih nepravilnosti u Rješenju broj predmeta: UP-I-37-000141/25 od 4.7.2025. godine. Odjeljenje za obrazovanje, u postupku provjere legitimnosti zahtjeva za akreditaciju visokoškolske ustanove Evropski univerzitet u Brčko distriktu BiH, a na osnovu dostavljenih podataka nadležnog inspeksijskog organa utvrdilo da je u toku upravni postupak u kojem je Inspeksijskim nadzorom u pogledu utvrđenih nepravilnosti i utvrđenog činjeničnog stanja po Rješenju Evropskog univerziteta u Brčko distriktu BiH broj predmeta: UP-I-37-000141/25 od 4.7.2025. godine čiji ishod može uticati na legitimnost ustanove za akreditaciju, postupak akreditacije predmetne visokoškolske ustanove, te je postupak akreditacije bio privremeno prekinut dok nadležni organ – Inspektorat Brčko distrikta BiH ne odluči po prethodnom pitanju.

Dana 9.1.2026. godine Odjeljenje za obrazovanje je u internoj dostavnoj knjizi pod brojem: 07/14 zaprimilo Rješenje Upravne inspektorice Kancelarije gradonačelnika Brčko distrikta BiH broj predmeta: UP-I-05-000066/25, broj akta: 01.9-0349VV-004/26 od 8.1.2026. godine, u kojem je tačkom 2. dispozitiva navedenog rješenja naloženo Odjeljenju za obrazovanje da nastavi postupak broj: 37-000799/25, započet po Zahtjevu visokoškolske ustanove Evropski univerzitet u Brčko distriktu Bosne i Hercegovine od dana 18.8.2025. godine, dok je tačkom 4. dispozitiva rješenja određen rok za preduzimanje radnji od 30 dana od dana prijema ovog Rješenja.

Dana 13.1.2025. godine Apelaciona komisija Kancelarije gradonačelnika Brčko distrikta BiH je Rješenjem broj predmeta: UP-II-37-000015/25 broj akta: 01.7-1187SGI-002/26 od 13.1.2026. godine poništila Rješenje Kancelarije gradonačelnika Brčko distrikta BiH - Inspektora za obrazovanje, broj predmeta: UP-I-37-000141/25 broj akta: 01.6-1390IG-014/25 od 10.12.2025. godine kojim je Inspektor za obrazovanje zabranio rad predmetnoj visokoškolskoj ustanovi, i obustavio postupak subjekta nadzora po rješenju broj UP-I-37-000141/25 od 4.7.2025. godine u tačkama 4 i 5 dispozitiva rješenja.

Imajući u vidu da je Apelaciona komisija Kancelarije gradonačelnika Rješenjem broj predmeta: UP-II-37-000015/25 broj akta: 01.7-1187SGI-002/26 od 13.1.2026. godine poništila Rješenje Inspektora za obrazovanje Kancelarije gradonačelnika Brčko distrikta BiH broj predmeta: UP-I-37-000141/25 broj akta: 01.6-1390IG-014/25 od 10.12.2025. godine kojim je Inspektor za obrazovanje zabranio rad predmetnoj visokoškolskoj ustanovi, kao i da je Odjeljenje za obrazovanje Zaključkom privremeno prekinulo postupak akreditacije visokoškolske ustanove Evropskog univerziteta u Brčko distriktu Bosne i Hercegovine zbog rješavanja prethodnog pitanja oko utvrđenih nepravilnosti u Rješenju broj predmeta: UP-I-37-000141/25 od 4.7.2025. godine, u tačkama 4 i 5 dispozitiva navedenog rješenja Inspektorata, te da je nadležno Odjeljenje za obrazovanje kao organ koji je vodio postupak upravnog nadzora sam uzeo u pretres prethodno pitanje i raspravio ga kao sastavni dio stvari i na toj osnovi riješio samu stvar te o navedenoj stvari donijelo Rješenje kojim je naloženo predmetnoj visokoškolskoj ustanovi da otkloni nedostatke utvrđene u upravnom nadzoru, te rok utvrđen Rješenjem Upravne inspektorice utvrđeno je da je postupak akreditacije nad radom predmetne visokoškolske ustanove potrebno nastaviti. Uvidom u cjelokupan spis predmeta utvrđeno je da je Odjeljenje za obrazovanje

donijelo rješenje kojim je naloženo predmetnoj visokoškolskoj ustanovi da otkloni nedostatke utvrđene u upravnom nadzoru i ocijenilo da nema razloga da se čeka na konačno rješenje prethodnog pitanja kod nadležnog organa Inspektorata jer je o istoj pravnoj stvari riješeno u navedenom rješenju nadležnog Odjeljenja. Navedeno rješenje Odjeljenja za obrazovanje postalo je konačno dana 31.12.2025. godine.

Imajući u vidu naprijed navedeno, to je u skladu sa odredbama propisanim članom 133 stavom (1) Zakona o upravnom postupku u Brčko distriktu Bosne („Službeni glasnik Brčko distrikta BiH“ broj: 48/11 - prečišćen tekst i 21/18 i 23/19) propisano da postupak prekinut zbog rješavanja prethodnog pitanja kod nadležnog organa nastaviti će se pošto rješenje doneseno o tom pitanju postane konačno, te je Odjeljenje za obrazovanje shodno navedenoj zakonskoj odredbi donijelo Zaključak o nastavku postupka broj predmeta: 37-000799/25 od 5.2.2026. godine u predmetu akreditacije pokrenutom po zahtjevu visokoškolske ustanove Evropskog univerziteta u Brčko distriktu Bosne i Hercegovine, pokrenut kod Odjeljenja za obrazovanje, u roku utvrđenom po rješenju Upravne inspektorice Kancelarije gradonačelnika Brčko distrikta BiH broj: UP-I-05-000066/25, broj akta: 01.9-0349VV-004/26 od 8.1.2026. godine.

Imajući u vidu naprijed navedeno, Odjeljenje za obrazovanje je donijelo Zaključak o nastavku postupka broj predmeta: 37-000799/25 od 5.2.2026. godine u predmetu akreditacije pokrenutom po zahtjevu visokoškolske ustanove Evropskog univerziteta u Brčko distriktu Bosne i Hercegovine, zaprimljen kod Odjeljenja za obrazovanje, u roku utvrđenom po rješenju Upravne inspektorice Kancelarije gradonačelnika Brčko distrikta BiH broj: UP-I-05-000066/25, broj akta: 01.9-0349VV-004/26 od 8.1.2026. godine, a u vezi s rješenjem Apelacione komisije Kancelarije gradonačelnika Brčko distrikta BiH broj predmeta: UP-II-37-000015/25 broj akta: 01.7-1187SGI-002/26 od 13.1.2026. godine kojim je poništeno Rješenje o zabrani rada visokoškolske ustanove Evropskog univerziteta u Brčko distriktu Bosne i Hercegovine Kancelarije gradonačelnika - Inspektorata, Inspektora za obrazovanje broj predmeta: UP-I-37-000141/25 broj akta: 01.6-1390IG-014/25 od 10.12.2025. godine, a kojim je bilo odloženo izvršenje rješenja broj predmeta: UP-I-37-000141/25 od 4.7.2025. godine, zbog čijeg izvršenja rješavanja prethodnog pitanja je bio privremeno prekinut postupak akreditacije predmetne visokoškolske ustanove.

Odjeljenje za obrazovanje je nakon donošenja Zaključka o nastavku postupka akreditacije visokoškolske ustanove Evropskog univerziteta u Brčko distriktu Bosne i Hercegovine broj predmeta: 37-000799/25 od 5.2.2026. godine, a u vezi s zaprimljenim zahtjevom za akreditaciju, ocijenjujući njegovu potpunost u pogledu dokumentacije i usklađenosti s odredbama navedenog pravilnika u skladu s odredbom člana 13 Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“ broj: 50/18, 34/19, 27/23 i 10/25), u postupku utvrđivanja kompletnosti i legitimnosti zahtjeva za akreditaciju utvrdilo da je podneseni zahtjev nepotpun.

Uvidom u dostavljeni zahtjev za akreditaciju utvrđeno je da je isti blagovremen, ali nepotpun, te da nije dostavljena kompletna dokumentacija propisana Pravilnikom o akreditaciji visokoškolskih ustanova i studijskih programa u Brčko distriktu BiH i Preporukama za regulisanje postupka akreditacije visokoškolskih ustanova i studijskih programa 1. i 2. ciklusa studija u Bosni i Hercegovini („Službeni glasnik BiH“, broj 34/23 i 34/25) Agencije za razvoj visokog obrazovanja i osiguranje kvaliteta BiH. Uvidom u dostavljenu dokumentaciju utvrđeno je da ista nije dostavljena u skladu s članom 10. i 12. Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“ broj: 50/18, 34/19, 27/23 i 10/25).

Odredbom člana 13. stav (2) pravilnika propisano je da ukoliko se utvrdi da je podneseni zahtjev nepotpun, Odjeljenje za obrazovanje donosi odgovarajući akt kojim se traži od visokoškolske ustanove da u određenom roku podneseni zahtjev dopuni. Ukoliko visokoškolska ustanova u propisanom roku ne postupi u skladu s aktom Odjeljenja za obrazovanje, a kojim se traži dopuna zahtjeva, smatra se da je odustala od prethodno podnesenog zahtjeva, o čemu Odjeljenje za obrazovanje donosi odgovarajući akt kojim se postupak obustavlja.

Nakon zaprimljenog zahtjeva za akreditaciju, Odjeljenje za obrazovanje je ocijenjujući njegovu potpunost u pogledu dokumentacije i usklađenosti s odredbama navedenog pravilnika u skladu s odredbom člana 13 Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“ broj: 50/18, 34/19, 27/23 i 10/25), u postupku utvrđivanja kompletnosti i legitimnosti zahtjeva za akreditaciju utvrdilo da je podneseni zahtjev nepotpun, te je Zaključkom broj predmeta: 37-000799/25 Broj akta: 07-1626SO-008/26 od 18. 2. 2026. godine traženo od visokoškolske ustanove da isti dopuni. Postupajući po navedenom Zaključku Odjeljenja za obrazovanje, visokoškolska ustanova je dana 24.2.2026. godine i dana 2.3.2026. godine u ostavljenom roku, Odjeljenju dostavila traženu dokumentaciju pod brojem: 83-1/2026 od 24.2.2026. godine.

Odjeljenje za obrazovanje je, postupajući prema odredbama člana 14. Pravilnika o akreditaciji visokoškolskih ustanova i studijskih programa u Brčko distriktu Bosne i Hercegovine („Službeni glasnik Brčko distrikta BiH“, broj: 50/18, 34/19, 27/23 i 10/25), ocijenilo da je zahtjev i dostavljene dopune zahtjeva visokoškolske ustanove Evropskog univerziteta u Brčko distriktu Bosne i Hercegovine potpun u pogledu priložene dokumentacije i usklađenosti sa odredbama navedenog Pravilnika o akreditaciji, nakon čega su se stekli uslovi za utvrđivanje kompletnosti i legitimnosti zahtjeva za akreditaciju, u kojem postupku se tražilo od visokoškolske ustanove da izvrši dopunu zahtjeva, dostavi dokaz o uplati sredstava i ostale akte u skladu s članom 10., i 12. Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“ broj: 50/18, 34/19, 27/23 i 10/25) i Preporukama za regulisanje postupka akreditacije visokoškolskih ustanova i studijskih programa 1. i 2. ciklusa studija u Bosni i Hercegovini („Službeni glasnik BiH“, broj 34/23 i 34/25), u skladu s utvrđenim tačkama iz dispozitiva zaključka.

Odredbom člana 35a. stav (4) Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/24 – prečišćen tekst i 4/26) propisano je da: „Ukoliko se postupak akreditacije iz objektivnih razloga ne okonča u propisanom roku za one visokoškolske ustanove koje su prethodno prošle postupak akreditacije, Odjeljenje za obrazovanje **može** donijeti dopunsko rješenje u kojem se utvrđuje novi rok važenja akreditacije, **a koji ne može biti duži od 18 mjeseci od isteka prethodne akreditacije**, osim u slučaju kada se ustanovi u postupku izda pismo očekivanja gdje se rok dopunskog rješenja produžava do donošenja rješenja kojim će se postupak okončati. Visokoškolska ustanova Evropski univerzitet u Brčko distriktu Bosne i Hercegovine je ustanova koja je prethodno prošla postupak akreditacije, te kojoj je izdato Rješenje o institucionalnoj akreditaciji 1. broj predmeta: 37-001265/13, broj akta: 08-1246ZB-035/22 od 2.2.2022. godine. (rješenje postalo konačno dana 7.3.2022. godine). S obzirom na to da postupak reakreditacije iz objektivnih razloga neće biti okončan do isteka roka iz tačke 1. Rješenja o akreditaciji Evropskog univerziteta u Brčko distriktu BiH, doneseno je rješenje u kojem se utvrđuje novi rok važenja akreditacije, a koji ne može biti duži od 18 mjeseci od isteka roka akreditacije, a što je u skladu sa članom 35a Zakona o visokom obrazovanju u Brčko distriktu BiH.

S obzirom da je odredbom člana 35a. stav (4) Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/24 – prečišćen tekst i 4/26) propisano da ukoliko se postupak akreditacije iz objektivnih razloga ne okonča u propisanom roku za one visokoškolske ustanove koje su prethodno prošle postupak akreditacije, Odjeljenje za obrazovanje može donijeti dopunsko rješenje u kojem se utvrđuje novi rok važenja akreditacije, a koji ne može biti duži od 18 mjeseci od isteka prethodne akreditacije i utvrđenu zakonom propisanu nadležnost za provođenje Preporuka Agencije za regulisanje postupka akreditacije visokoškolskih ustanova i studijskih programa 1. i 2. ciklusa studija u Bosni i Hercegovini („Službeni glasnik BiH“, broj: 34/23 i 34/25), postupljeno je u skladu s članom 14. i 35a. Zakona o visokom obrazovanju u Brčko distriktu BiH.

Analizirajući gore navedene zakonske i podzakonske odredbe, te objektivne razloge, Odjeljenje za obrazovanje Vlade Brčko distrikta Bosne i Hercegovine cijeni da su ispunjeni svi propisani uslovi za

izdavanje dopunskog rješenja o produženju roka institucionalne akreditacije podnosiocu zahtjeva, te donosi odluku kao u dispozitivu ovog Rješenja.

Po jedan primjerak ovog rješenja dostavlja se visokoškolskoj ustanovi Evropski univerzitet u Brčko distriktu Bosne i Hercegovine i Agenciji za razvoj visokog obrazovanja i osiguranje kvaliteta Bosne i Hercegovine u cilju preduzimanja radnji i mjera propisanih Okvirnim zakonom o visokom obrazovanju u Bosne i Hercegovine, Zakonom o visokom obrazovanju u Brčko distriktu Bosne i Hercegovine i Pravilnikom o akreditaciji visokoškolskih ustanova i studijskih programa u Brčko distriktu Bosne i Hercegovine.

U skladu sa svim gore navedenim, postupljeno je kao u dispozitivu ovog Rješenja.

Pouka o pravnom lijeku:

Protiv ovog Rješenja nije dopuštena žalba, ali se može pokrenuti upravni spor tužbom kod Osnovnog suda Brčko distrikta Bosne i Hercegovine, u roku od 30 dana od dana dostavljanja Rješenja.

DOSTAVLJENO:

1. Evropskom univerzitetu
u Brčko distriktu BiH,
2. Agenciji za razvoj visokog obrazovanja
i osiguranje kvaliteta BiH,
3. Odjeljenju za obrazovanje 2x,
4. Evidenciji 2x,
5. Arhivi.

Šef Odjeljenja za obrazovanje

Senad Osmanović, prof.

